

EXERCITIUM
MEDICUM
DE

ECCLIPSI MI-
CROCOSMICA

SUB

AUSPICIIS DIVINIS,

BENEVOLO CONSENSU

AMPLISSIMÆ FACULTATIS MEDICÆ

In PERANTIQVO AD HIERAM ATHENÆO ELECTORALI

&

PRÆSIDIO

JOACHIM. LUDOV.
KÖRBERI,

M. D. CHIM. PROF. PUBL.

Publicæ Philiatorum disquisitioni
exponet

M. JOAN FREDERICH GRUVIUS,
M. C. ERFFURT.

Ad d. 28. Mart. Ann. 1685.

Hor. & Loc. consvet.

ERFFURTI,
TYPIS JOH. HENRICI GROSCHII.

EXERCITIUM
MEDIUM

ECCE
GROGOMICA

ALPHABETUM

ALPHABETUM
ALPHABETUM

IOACHIM LUDOV

KÖRBER

M. D. CRISTIANUS

ALPHABETUM

!! !!
P R O O E M I U M.

SI moderni cum præteritis seculis ingeniosam instituamus collationem & subtiliorum Philosophiæ Spagyricæ Mystrarum in sublimi sua scientia sollicitè scrutantium, curiosas perpendamus speculationes, in uno omnes eosdem convenire videbimus termino, dum principalius artis suæ fundamentum ponunt in cognitione naturalium inferiorum per superiora, & superiorum per inferiora; quò fœdere vix satis admirandò, tota rerum natura, juxta *Krigsmannum*, sibi invicem vicissim associatur, ductore *Bernbardo Canefio*, vel potius, prout plures antiquitatum indagatores malunt, Alchimistarum Primicerio *Hermete Trismegisto*, ex primordio tabulæ *Smaragdinæ* asserente: Verum & ab omni mendaciorum involucro remotum esse, quod, quicquid est superius, sit simile ei, quod est inferius, in quam sententiam rectò tramite condescendit. Ingeniosissimus *KIRCHERUS* in *Oedip. Ægypt. class. 10. cap. 7.* Cœlum sursum, Cœlum deorsum; astra sursum, astra deorsum; quod sursum, omne id deorsum esse cordatè adstruens. Sanè si hanc analogiam cum Philosophia Hermetica conferamus, hanc illuc tendere, in hunc scopum curiosos artis filios collimare, hîc eorundem desiderium, hîc voti metam terminare haud difficulter conjiciendum fuerit.

Hæc enim harmonia est illa catena aurea Veterum, cujus beneficiò universa natura nihil aliud est, quàm similibus raptus & mutuum desiderium: secundum *Ant. Mizaldum in Harmonia superioris mundi & inferior.* Hæc amicabilis similitudo analogum sibi facit Macrocosmum cum Microcosmo, ut sibi omninò fiat similis. Non immorabimur hîc extra institutum nostrum in applicatione hominis ad partitionem mundi, quam abundè comprobant in libris de hac Analogia conscriptis *Fortun. Licetus, Nic. Nancellus Trachyenus Parisiensis, Joann. Freitagius & Aug. Ezlerus in Isagoge Physico Magico-Medica*; suffecerit intentioni, quod inter alias viscerum humani corporis cum Machina mundi analogicas comparationes consideratione non indigna sit illa, quæ inter magnum mundi Lumen cum corde, inque hoc scintillante lumine vitali celebris est, similis quidem in multis sibi est Sol uterque macrocosmicus cælestis & subterraneus; sed utrique non dissimilis Sol microcosmicus. Comparemus modò nobilissimum & perfectissimum metallum cum ejusdem qualitatis viscere, reliquis nihil de laude sua detractis, amicam certè observabimus conspirationem, dum illud ratione specificâ hujus deliquio, jubente necessitate in subsidia venit; intueamur analogicè splendidissimum Solis jubar ad micantem cordis flammulam à *Jacob. Holsio tract. de hæc conscripto ita salutatum: contra Mayow. in operibus Medico-Physicis p. m. 138.* positâ paronomasiâ denominationem renuentem: Consideremus effectus ab utroque igne respectivè provenientes non planè absimilis apparebit analogia, expendamus insuper utriusque

usque luminis vicissitudines, mox namque liberè affulgent scintillantes Solis macrocosmici radii, alio tempore tenebricosa Ecclipsi intercipiuntur, idem toto die Soli Microcosmico accidit, dum modò absque ullo impedimento machinam suam undiquaque illustrando serenat, subito inhibito fluxu liberiori, sub nomine Syncopes obscuram patitur Ecclipsin, cujus genuinam indolem rimari & ex ambiguo obstantium sententiarum cataclysmo, quantum id nostro iudicio fieri poterit, aliquatenus eruere cum hac disquisitione, de re verimus, eâ mente ut subtilior, modò non sit iniqua. Benevoli Lectoris censura accuratius supplementum addere non gravetur, Divinam Sapientiam humillimè imploramus, ut inceptis nostris clementer adstare velit.

CAP. I.

DEFINITIONEM NOMINALEM & REALEM
cum DIFFERENTIIS SYNCOPES
explicat.

DUm affectûs nostri nominalem instituimus considerationem, primâ statim fronte notabiliora Syncopes symptomata ex derivatione involvuntur; deducas namque originem vocis *ὑπὸ τῆς συγχοπῆς*, quod Syncope affecti, ut fulgure icti, in momento concidant, aut sumas Syncopen q.f. *τὴν ῥῆσιν*, quod cum lassitudine & præcipite omnium virium lapsu invadat, ex quo etiam Germanis auditur *Obn. Moch*, utraque denominatio stare poterit habitò respectu utriusq; affectum nostrum concomitantis symptomatis. Hippocrati quidem ac plerisque ante Galenum Medicis hæc vox græca fuit ignota, hujus tamen tempore innotescere incepit, ut nunc familiariter in Medicorum Scholis teratur.

Realiter definitur SYNCOPÉ, quòd sit præceps subitaque omnium virium sufflaminatio, sensu ac motu utroque admodum intercepto à Spirituum influorum & cordis insiti eccentricitate proveniens.

Excludimus in hac nostra definitione examinationem Apoplexiæ, quæ quidem machinam corpoream itidem violentiâ momentaneâ prostermit cum sensuum & motûs voluntarii ablatione, ab inhibito influxu spirituum animalium totali, remanente tamen motu naturali in respiratione & pulsu robustiori observabili, ut qui absque spiritibus animalibus ad tempus procedere potest. In omnibus quidem actionibus perfectè & constanter peragendis necessariò Spiritus utriusque influi & insiti in organo connubium & blanda requiritur conjunctio, nihilominus in simplicissimis quibusdam operationibus, quolibus & pulsus annumerari potest, duo spiritus, ut arteriosus s. vitalis & cordis insitus, qui ab illo excitari debet per aliquod temporis spatium, sufficere possunt; motus enim naturalis hîc quodammodò durat, ut id evidenter magis conspicuum in capite truncatis & serpentibus dissectis, ubi spiritus animales ampliùs influere nequeunt, & tamen motus naturalis aliquantisper superstes manet, quòd verò robustior sit pulsus in Apoplecticis, quàm aliàs, ut plurimùm accidit à Plethorâ talibus, in quibus sanguis copiosus vasa nimium replens ob denegatum liberum transitum sibi ipsi impedimento est, & tunc exitum quærens luctatur quasi in illis, ut hinc vehementiorem concitare pullum videatur. Longè autem aliter comparatum in Syncope, ubi uterque motus & sensus cessat, licet quidem interdum *συγκαθήμενοι*, uti *Galeno* vocantur, ad se iterùm redeuntes reminiscantur eorum, eademque recenseant, quæ ipsis ingruente & durante paroxysmo obvenierint, quâ ratione sensum Ecstaticorum adinstar exercuisse videntur; Sit hoc, quòd confusa phantasmata Spiritus animales in cerebro specificati à conceptis ideis formassent, in consummata tamen Syncope idem nullatenus concedi posse autumamus, nisi in leviori Lipothymia, ut in qua Spirituum vitalium cum animalibus commercium, & mutua irradiatio non penitus est inhibita, id assumere velimus.

Ex his jam non obscure profluunt differentes deliquiorum gradus, non quod essentialiter à se invicem distinguantur, prout *Brassavolus in Comment. Hipp. ad apb. 8. Sect. 7. Raimund. Joh. Fortis* in con-

in consult. 58. cent. 1. § Mercatus lib. de intern. morbor. curat. 6. 10. contendunt, sed quatenus respectu remissioris & intensioris invasionis, diversa etiam sortiantur nomina: ἐκλυσις siquidem levioris virium exsolutionem exprimit, Λειψυμίας & Λειψυχίας nomine gravior animi defectio Hippocrati aliisque veteribus notata fuit, quorum omnium Συγκοπή gravissimum innuit gradum, à quo ut potiori & nos denominationem nostram desumimus, cum Symptomata terribiliora & atrociora præ reliquis explicare jubeat, interim cum illis idem causarum agnoscens fundamentum obsoleto græco vocabulo Oxyctona cœu abbreviatio & abscissio vitæ ab Aretæo l. 2. acut. 6. 3. in P. Zachia quest. medic. legal lib. 4. tit. 1. q. 11. p. m. 329. allegato, insignita: Si tandem eò usque devenit deliquium, ut penitus in toto corpore pulsatio aboleatur, & præsentissima πανολήθεια & internecio machinæ humanæ instet, ἀσφυξία à Galeno lib. 1. de prælag ex puls indigitatur.

Alia adhuc prioribus superveniens Syncopes involvitur differentia ratione Subjecti, quâ interdum est idiopathica, dum Cor cum Sangvine & Spiritibus in utroque contentis essentialiter afficitur, sæpius autem Sympathica irrui, quando illud aliunde tanquam è foco compatitur, idque modò per consensum privativum, cum in sua functione debilitatur & labascit per nimias evacuationes, quibus spiritus vitales depauperantur, & consequenter Archæus cordis in operatione sua hebetatur, ut nec cor movere, nec perfectam vitalitatem corpori conferre queat, modò consensu positivo, dum peregrina & sylvestria miasmata regale Microcosmi palatium infestant, archæalem hujus directorem contaminant, & Massam Sangvineam coinquinant, surrogantur etenim infensa talia προκαύματα pro inducenda Syncope à variis variarum corporis partium inflammationibus, abscessibus & ulceribus, unde à Mediastini inflammatione talem vidit Panarolus obs. 16. Pentec. 2. à pericardii suppuratione similem historiam memorant Fabric. Hildanus Cent. 11. obs. 27., nec non Philotheus comment ad apb. Hipp 41. Sect. 2., ut § Zacut. Prox. admir. l. 1. obs. 138. Ab abscessu partis carnosæ diaphragmatis ejusdem eventus meminit Theoph. Bonetus in Setulchret. l. 1. Sect. 6. obs. 1. Quomodo etiam ad Syncopes generationem non raro concurrat

currat Pancreatis. præternaturalis status præter *Sylv. Prax. l. 1. c. 36.* & *Regner. de Graaf tr. de Pancreate conscripto*, patefaciunt historiae de hoc viscere ulceroso, Scirrhus aut Sphacelato *Jac. Aubert. progymn. Exerc. 44. ad lib. de abdit. Fernel. Laz. River. cent. 1. obs. 90.* & *Greissel. in Miscellan. curios. anni 1673. obs. 45.* A Pulmonibus & hepate putrefactis observationes Syncopes sympathicae memorabiles recensent *Ballonius paradigm. 174. it. consil. 25. lib. 1. Heurnius comment. in aph. Hipp. 4. Sect. 6.* & *Th. Kerckringius obs. anatom. 77.* Morbosa quoque ventriculi dispositio ex se ipsa, aut vermibus aliisque heterogeneis advenientibus talis, multiplici experientia Historiographorum Medicorum ut *Caspar. Baubini, Tb. Boneti, Plateri, Mermanni per Observationes, Zechii ex consultat. 46.* & aliorum Practicorum notata commentis fomitem mali subministrat, quod deliquium hinc κατ' ἐξοχὴν Cardiacum appellatur ab *Adrian. Spigelio Epist. ad Gol. Sophierum* indifferenter cum aliis Lipothymis confusum; Nec inculpatæ sunt reliqua viscera, lien nimirum secundum *Observ. Nic. Tulp. lib. 2. c. 29.* renes ex relatione cit. *Ballonii Ephem. & Epidem. lib. 2. p. 152.*, utriusque sexus genitalia & inprimis Uterus in Syncope hysterica *Schenckio lib. 4. observ. tit. de uteri suffocat. Highmore, Vesalio B. T. de Guldenkleee l. 2. c. 17.* pluribusque Practicis in similibus casibus consentientibus, aliaque viscera, quò nomine illa veniant, variis modis vitata facili negotio morbosum pabulum affectui nostro porrigere possunt, sicuti examine Causarum in sequentibus id manifestius conspicuum fiet,

CAP. II.

ÆTIOLOGIAM SYNCOPES expendit.



Uot verò & quàm diversæ Causæ Symptomati nostro syncoptico calamitosas aperiunt fores, ad tot periculosas Syrtes & tam salebrosos ambiguarum difficultatum scopulos in earundem genuina ratione & vero affectum nostrum producendi modo scrupulosè indagando dubium hoc æquor tranantes inter dissonantes Recentiorum & Veterum animos certissimè allident. Tantis quidem contròversis componendis vix pares erimus, nec mirandum humani ingenii aciem in tanto tamque caliginoso abstrusarum Causarum

rum scrutinio hallucinari, interim mentem suam licet in arduis pro virili explicare cuiuslibet liberum credimus.

Synopes proinde CAUSAM PROXIMAM inquirentes, retrovertimus nos ad definitionem affectus nostri realem, in qua illam deducimus ab eccentricitate spirituum influorum & cordis insiti, quod ut clarius pateat, pro accuratiori demonstratione prærequiritur investigatio, à quo principio sensus & motus uterque liber procedat, unde status præternaturalis in iisdem sufflaminatis facilius erit cognitio.

Quare ex Physiologicis præsupponimus ordinarium Naturæ humanæ exercitium, per quod omnes partes speciali suo munere decenter funguntur, spirituum influorum animalis ac vitalis nomine notorum, & insitorum, vel formæ cuiusvis visceris specificæ amicæ confœderatione & indissolubili nexu principaliter absolvi, dissociato horum alterutro, indeque violatâ singulorum intimâ conjunctione nec sensitivas, nec vegetativas, nec locomotivas operationes convenienter & rite procedere.

Liceat hac occasione separatam Spirituum horum considerationem secundum nativam & naturalem suam indolem ex nostro συχασμῷ penitus fini proposito accommodare, confirmando, quod Spiritus influentes sint corpora subtilia, & activa, unus per arterias vehiculo sanguinis, vitalis & arteriosus dictus; alter ex hoc in cerebro specificatus per nervos, nomine animalis & sensitivi influens, uterque cœlestis naturæ & profaniæ, subtilitatis gradu differentiumque qualitatum & influendi ratione diversus. Genesis siquidem vitalium non à solo subtili sanguine deducenda, cum hic potius eorundem vehiculum præbeat, qui nobiliorem & ipsò sanguine priorem ætheream agnoscere videntur originem. Explosa sunt jamdudum infirma de dubio astrorum influxu problemata, non solum à Veteribus, interque illos *Aristotele l. 1. Meteor.* inquit: Mundum hunc inferiorem supernis latioribus factum esse contiguum, ut universa illius virtus inde gubernetur, & hoc modo astrorum virtuosum influxum concedente; sed & noviter à Recentioribus, præprimis *Wirdigio in Med. Spirit. l. 1. c. 26.* & *Marc. Marci in Med. Vet. rest. part. 2. sect. 2.* ubiorem pro confirmatione additionem non indigentibus, ut nunc de illo libero libere sentire possimus, quod sibi solis magna Luminaria mundi non luant, nec splendore suo universum hoc duntaxat exornent, sed simi-

litudine ignium calorem activum radios & spiritus de se spargant, quibus ut facultatibus ad normam, figuram & specificationem reliquorum corporum naturalium agant, ad quos fines, non verò ut inertia & cadaverosa sint mundi pondera, Sapientissimus rerum Conditor ea condidit, à quorum spirituosis influentiis universus rerum naturalium ordo, periodus, vegetatio & actuatio dependet. Virtuosum hunc astrorum iufluxum immediatè in corpora tolerare non valemus ob subtilissimam suam raritatem, quod præprimis manifestum per mortes animalium in rarissimo æthere degentium; Id namque nondum modificatum est, ut in leges corporeas quadrare possit, & hoc etiam notorium apud illos, qui montes altissimos inhabitant ob subtilius ibidem æther & propinquiora astra minùs validos, *Joseph. Acosta Hist. Ind. occid. l. 3. c. 9. de monte Americano Periacaca.* hoc fidejuben-tem, idem quoque non rarò observari Mathriti in Hispania memoratur, à tenuissimo aëre, qui nisi aliarum rerum effluviis inspissetur, minùs aptus sit hominum & brutorum respirationi. Mediante itaque aëre crassiori, à cujus spiritu salino qualitatibus astralium immensa subtilitas quodammodò infringitur, modificatur & concentratur, influxum illum vivificum recipimus, ut hinc aër rectè *Hermeti Trismegisto Instrumentum illud mundi* & *delator universalis nostri Spiritus* audiat. Duplicem hinc aërem in ventre suo portare spiritum, sat probabiliter evincitur; Astralem nimirum ab astrorum radiis & effluviis in aëre receptum; & Salinum, qui illum subtilissimum nimis legibus naturæ cujusvis regni, animalis, mineralis & vegetabilis consentaneum & aptum pro iisdem vivificandis & vegetandis efficit, qualem in aëre circumvolitare varia Chimica manifestant Experimenta. Si enim postquam è vitriolo vel nitro spiritum Θ is \dagger di extraxeris & Colcothar ejus sub dio ponas, ibique per paucos dies relictum mox retortæ adhibitis Δ is gradibus iterum imponas, novum eundemque efficacior-rem priori elicies spiritum & puriorem, quod itidem procedere in Θ e Φ ri & aliis alcalibus, quin & coctione Onis jam discunt Pyrotechni curiosi. Refert *Baldvinus in* \odot *sup.* & *infer. aur.* se possidere \mathcal{J} tis mineram \odot arem, cujus fodinæ in Hassia reperiuntur, quam si in pulve-rem redactam in ∇ a aliquandiu quis coquat, nec colorem flavum mu- tabit, nec saporem alium, quam qui ∇ æ est, habebit; Hujus unc. 12. per integros quatuordecim dies aëri frigido exposuit, peculiarem Θ em, qualis

qualis vitrioli est, attraxit, quid quod duabus uncis aucta & ipsa pondere fuit. Quorsum apprimè quadrant, quæ acutissimus *Kenelm. Digbi de immort. animæ* scribit : Amicum sincerissimæ fidei ope vasorum vitreorum collegisse radios ☉ in pulverem fusci vel purpurei coloris præcipitados, cujus possibilitas non planè omnem veritatem excludens Philosophi Pyrotechnici experimentò manifestatur , cum speculum rotundum causticum, optimè politum, ubi radii in centrum concurrunt, exponitur in libero aëre Soli, maximo æstu fervente, continuetur ita aliquot diebus illud semper removendo, & circa centrum speculi adhærebit ☊ nivæ albedinis, quod cultrò abradatur in vitrum, ut hinc per dies aliquot ☉ hujus mirabilis una vel altera uncia colligi possit. Nec vilioris existimationis censetur modus incrassandi aërem & hunc incrassatum capiendi *Fabrit. Bartholetti in method. sua ad Dispneam*, dum per instrumentum vitreum tubæ non adeò dissimile aëreum humorem attrahit ac colligit, quem postea in crysallos coagulat in Medicina valdè utiles. Idem illud ☊ è rore majali colligitur, indeque confit *Medicina Universalis Dienheimii*, ex quo etiam præparatur spiritus, quo *Borellus* ☉ in liqorem solvit, hujusque fusioem probationem tradit *Sendivogius Cosmopolita in XII. tractat.* Hoc ☊ concentratur cum siderum occulto vitæ cibo & cum aëre vel inspissatur, vel per ∇ m prægresso in hanc influxu aëreo viventibus communicatur.

Quò phœnomeno moti *Cl. Helmont. & Boyl.* respectu influxus aërei in ∇ m, ex hac omnia consistere existimârunt, vegetationem, scilicet & actuationem quorumcunque sublunarium, annotante idem Doctiss. *Gualt. Needham*. Unde substantiam hanc ætheream *Helmont. lib. de Magnet. Vulner. curat. §. 15.* vocat Magnale magnum, cujus perpetuo & continuo influxu in hæc inferiora omnia animantur & disponuntur ad suscipiendam exaltationem, dicitur & anima mundi, spiritus universalis ab astris influens & ab aëre ingrossatus. *Hoffmann. in method. medend. l. 1. c. 19.* Semen universale naturæ & primum rerum omnium principium nuncupatur. Laudatur & *Atbanas. Kircher. in mund. subterr. l. 12. c. 15. p. m. 332.* ut vitæ Balsamus, Mumia vitalis, calidum naturale, humidum congenitum, vis & vigor universæ naturæ, principium motûs, ∇ a vitæ purissima, chaos naturæ & penuarium, ex quo calor vitalis ac spiritus tanquam

ex spermate prodeunt, quin imò ipsa virtute Spiritus vitalis; quò arcano universi gazophylacio & summo naturæ thesauro inebriatus est: aër, quem haurimus & ex quo vivimus. Alio loco citat. Autor de hoc spiritu materiali asserit eundem compositum esse ex subtiliori coelestis auræ portione, naturæ Θ no- Δ eo- γ alis, non abnuente, sed idem ferè sentiente de hoc spiritu *J. J. Bechero Suppl. in Phys. subterr. c. 5. p. 70, 71.* quod nimirum omnia vivificet. Nec inconvenienter huc adducuntur antè nominati Curiosi *Boylei & Gertek.* experimenta, dum vitro, cui animalia incarcerata, exhauriunt suum spiritum aëreum per antliam pneumaticam, ad quod si non subito deponunt vitam, convulsionibus tamen miserè corripuntur, dum spiritus vitales ob subductum aërem animales non irradiant & debito supplemento privant, unde hi motus inordinatos ineunt, & tumultuosè in genus nervosum irruentes motus convulsivos excitant, donec penitus expirent. Hi spiritus aërei omnium motuum intestinorum, omniumque fermentationum causæ existunt; nullus etenim succus absque aëris accessu liberiori fermentationem subibit, hinc si dolium musto refertum obduremus, dulce manebit vinum, nec fermentabit: Parili modo & ignis motus est ab aëre hoc ipsi denegato, decrepat, analogâ ratione & flammula vitalis absque aëre extinguitur, quod ita suo pabulo, nutrimento & illustratione defraudetur, prout illam spiritus ætherei conferunt, qui sive beneficio aëris, aut alimentorum attrahantur, statim vitalitatis charactere informantur, & symbolum spirituum vitalium in corde sibi intimè imprimunt, subtilitate, agilitate & virtute elasticâ in momento corpus reficientes, testimonio desumpto à sanguine, qui sub atro colore pulmones intravit, statim ad adventum hujus spiritus elastici floridus cernitur, & rutilus ex iisdem redit, prout ex *Cl. Lowero tract. de cord.* ex vivisectionibus observatum est. Huic spiritui nunc facto cordiali, ut ab *Excell. LEICHERO in Archaeo suo Synoptico p. m. 191* salutatur, communiter calor & pulsus, ut actiones simplices adscribuntur, quas absque concurrentibus aliis spiritus absolvere, & exercere possit, verum, dum de priori concedimus, quod calorem, actuale cum connaturalium actionum vigore universi corporis partibus couferat, & hunc actum ut simplicissimum solus exercere possit, id de posteriori in dubium vocamus cum rationibus experimentalibus paulò post supponendis. Idem ille spiritus in cerebro magis specificatus,

catus, ulterius sublimatus, attenuatus, exaltatus & rectificatus animalis seu sensitivi nomine venit, confirmante id *Willisio*, cum *tract. de morb. cerebri c. 11.* tradat, quod spiritus animalcs diathesi sanâ & legitimâ potiti quâdantenus se habere videantur tanquam liquor spirituosus Θ volatilî refertus, qui à sanguine destillatur, quâquam *Mayow citato tract. p. 329.* Willisii mentem apparenter non admittat, sufficit tamen, quod hujus Θ volat. illi nitro-aëreum audiat, volatili nullatenus contrarium, ut hinc & spiritus animalis ipsi nitro-aëreus dicatur, qui licet potiori cooperatione suâ nobilissimas tum sensitivas, tum locomotivas aliis confederatus exerceat operationes, non absimile tamen eundem manet fatum cum vitalibus, cum vix ullus vel sensus, vel motus absque continua horum irradiatione illi adscribi possit, prout ex sequentibus patebit, multo minus quod specifica quâdam & magis composita actio alteri horum adjudicari mereatur, nisi specificus & magis determinatus spiritus connexionem priorum fortius liget, illosque ut illimitatos & universales ad actus específicos & singulares determinet, estque cuius corporis parti peculiaris & propriè insitus, qui singularibus & specificis suis Omnipotenti verbo **F I A T** dotatus Ideis Divini Creatoris gloriosam manifestat providentiam. Non quidem is adeo præ influentibus activus, quod solus perfectè operari possit, sed semper citra influentis accessum torpet, consentiente modo laudato *Venerando nostro S E N E in Sched. p. 275.* ut in omnibus seminibus vegetabilium & mineralium, ita & animalium hoc manifestum, nisi ab influis actuetur & exsuscitetur. Unde qui hunc spiritum specificum negant, negant naturam, perque evidentem sequelam influentem quoque spiritum, vel hujus certè determinatam operationem perimunt, ut quæ ab insiti directione in solidum pendet, sine qua influens nihil eorum, quæ efficit, efficeret, *Hercul. Saxon. prelect. præd. part. 2. c. 2.* è pluribus *Galeni* locis citato libr. videntis, huic opinioni favente.

Ex præcognitis hisce pro informatione nostra subsumere convenit, nec vegetandi facultatem, nec sentiendi & movendi potentias disjunctorum spirituum uni soli assignari posse. Sicut ergo fallunt & falluntur illi, qui motum naturalem solis spiritibus vitalibus adjudicant, ita non minus & alii decipiuntur, qui naturalem seu spontaneum cum animali seu voluntario motu non tantum confundunt, sed & in

altero extremo delinqvunt, dum utrumque solis spiritibus animalibus adscribunt, quando autem differentium horum motuum nullam admittunt diversitatem, actionum voluntariarum, quas nobis volentibus exercemus, & à præmeditata nostra voluntate procedunt, & spontanearum ab instinctu & beneplacito naturæ etiam nolentibus pro naturalibus suis necessitatibus & finibus dependentium, accuratiorem negligunt considerationem. Eadem quoque ratio pro duplici militat motu, qui modò nutu & arbitrio nostro, modò spontè nobis non animadvertentibus celebratur, non nimium quidem hîc erimus solliciti de Musculorum Anatome, quâ manifestum fit Musculos Parallelogrammos motu magis voluntario, Orbiculares verò, qualibus & cor adnumeratur, potius naturali moveri, fusiùs id deducente *Stenone in Myolog. Willis. de motu Musculorum* & pluribus aliis, structuram quoque cordis, quatenus beneficiò moventium Spirituum ad hujus motum confert, ex *Lowero* repetemus, quâ vix accuratior delineatio traditur, nisi pro majore evidentia, *fig. enea 9. tab. 3. in oper. Mayow. de pulsatione cordis circa fibras cordis circulares* addi possit; nec in diluenda toties, non dicam, inaniter controversâ questione de principio Musculorum, & quorsum contractiones & extensiones fibrarum motricium terminent, extra propositum nostrum perperam immorabimur, remittimus lectorem circa hæc informari cupidum ad collationem contrariarum sententiarum in citato *Mayow oper. de motu musculorum se contrahentium p. 361. seqq* latius videndarum. Quò tamen Causæ affectûs nostri proximæ indagini propius accedamus, à quo principio movente talis motus, & quo desinente, & hic desinat, ultrò supponemus.

Non hîc mens nostra in motu voluntario summum directorium ad Musculos parallelogrammos denegare spiritibus animalibus, ut qui voluntatem ad instinctus suos ducunt, non tamen absque spiritibus arteriosis, adstipulante nobis *cit. Mayow in oper. c. p. 5.* cui adserito quoque velificatur *Stenonianum experimentum*, ex quo constat Musculum nequaquam contractionem inire posse, si arteria in eundem distributa vinculo ligetur, ita ut spiritus arteriosi effluxus ad musculum præcludatur, Quoad naturalem verò motum cordis in sua systole arteriarumque diastole & vice versâ consistentem aliter comparatum est, ubi non spiritus animales primariò, sed vitales & cordis insitus

infusus principaliter officio defunguntur, quicquid etiam *Arch. Piccolom. in prælect. anat. l. 4. lect. 4. p. 212.* contra *Galenum* in proscenium ducat, cujus vestigia hucusque à nonnullis premuntur, dum publicè defendere conantur motum hunc cordis adscribi debere spiritibus animalibus per nervulos in musculos cordis deductis perſuasione fortean erroneâ inde simul desumtâ, quod in animi pathematibus fortiter spiritibus animalibus per ideas impressis, eosdem & citiùs moveri per nervos, & hinc motum cordis fieri citatiorem, manifesto indicio hunc ab illis ideò dependere. Verùm licet hæc plausibiliter satis proponantur, naturæ tamen ordini & legibus vix convenire in propatulo est, dum nervi cor transeuntes impares sint, nimiumque tenelli, exiles & pauci pro sufficiente copia spirituum animalium ad cordis perennem motum necessaria suppeditanda, quid quod observare est, quod plures nervorum propagines in cordis auriculas & vasa appensa, quàm in illius substantiam distribuuntur, juxta *Thom. Willis. anatom. cerebr. c. 24.* quod tamen ad commodiorem dilatationem & contractionem cordis necessum fuisset, si hunc motum natura à spiritibus animalibus unicè dependere voluisset.

Non quidem inficias ibimus Animæ pathemata ut ad totius naturæ alterationem & præprimis spirituum animalium modò intensiorem, modò remissiorem exſuscitationem multum conferre, quâ hinc ad singulas corporis partes violentiùs influunt spiritusque vitales in consensum trahunt, ut pro illorum arbitrio fortiùs & hi moveantur & exsolvantur, & hinc invicem & motum cordis fortiùs promovere possint, salvò quidem illorum symbolò, quod ad quamvis actionem perfectè & constanter peragendam & consequenter etiam ad motum cordis contribuunt, absque ulla tamen sequela à spiritibus animalibus motum cordis absolutè derivari; contrarium siquidem evincit experimentum *Willis. cit. libr. 3. cap. 1.* cum canis vivi circa jugulum cute per longum discissa utriusque nervorum vagorum paris propaginem arripit & fortiter eandem ligat vel penitus abscindit, animal obmutescere & torpere observat, non interceptò tamen eâ de causa motu cordis seu pulsu, quem tamdiu superstitem manere dicit, donec tandem præ longa inedia (omnem enim cibum respuit, propterea quod nulli spiritus appetitum edendi inducentes ad ventriculum deveniant) attritis viribus

bus sensim penitus deficiat, non verò ex motu cordis impedito, quæ explicatio est *Isbrand. de Diemerbræck anatom. corporis humani p. m. 384.* è diametro contraria illi, quam *ex Lowero* experimentò simili modo tentatò, *tract. de cord. c. 2. p. 91.* interpres alius suggerit, adstruens internecionem canis & quidem subitanèam simpliciter dependere ab inhibito influxu spirituum animalium per nervos cervicales ad cor, & inde sublatò hujus motu & consequenter vita, in erroris subsidium vocatis *observat. 47, 48. Carol. Pisonis l. de morb. ex ser. colluv.* ubi à rupto prædictorum nervorum pari cordis motum repentè sublatum scribit. Quàm impossibile autem hoc sit, aliunde id insuper, quàm ex modò dictis liquet, & præprimis in vulneribus capitis cum aliqua cranii & substantiæ cerebri ablatione, qvalia in castris multoties se vidisse scribit allegatus *Diemerbræck*, ubi animadvertere ipsi licuit, si talis æger Syncope defecerit, illicò & cerebri motus desierit, si cor rursus inceperit pulsare (quod in carpo percipi potuit) non antè, sed paulò post aliquot pulsus paulatim iterum cerebrum moveri observatum fuerit, postve hoc sensim etiam alia membra, nò obscuro testimonio spiritus animales absq; cordis motu non moveri, multò minùs quod illi hunc unicè promoverè valeant, quod ultimò ipsis absolutissimè denegatur à conspectu Apoplecticorum, quibus denegato influxu spirituum animalium ab omnimoda nervorum obstructione nihilominus permanet pulsus, prout ex præcedentibus jamdum monitum, nec infert quicquam remanens simul tamen cum pulsu respiratio, ut quæ exercetur cum motu musculorum thoracis, notandum tamen, quod illa respiratio non solum sit motus voluntarii, sed & naturalis & consequenter mixti productum, ut hinc aliquantisper præprimis anxiam cum pulsu constare possit per spiritus vitales. Interim & hi non omne motus naturalis cordis absolvere videntur punctum, aliàs enim si hoc præstarent, eundem quoque in Apoplecticis continuarent, aut, quod majus, de utroque spiritu influò implicat dubium, cum corda variorum animalium, ut serpentium, angvillarum aliorumque è corpore evulsa diu adhuc pulsant, ubi tamen abscissis omnibus, quibus adherent nervis & arteriis, communicatio spirituum animalium indicatur, & vitalium compages ad actum quendam ampliùs exercendum destructa sit, quinimò animadvertit curiositas *Deusingii de motu cordis*

cordis sect. 2. quod in cane vivo mucronem cordis abscidisset, in eoq; resecto validas contractiones aliquamdiu vidisset; quis enim crederet animales & vitales spiritus exspiratos motum hunc causare, nisi naturalis quidam instinctus, imò ipsa natura & insitus cordis spiritus à prioribus paulò antè vigoratus hujus Phænomeni causa exstitisset? Non enim ex *Helmont. tr. de Lithiasi c. 9. §. 129. p. m. 89.* naturæ repugnat, partes proprio motu locali subsilire absente animâ & tristi sensatione perceptâ partes ab alio imperatore mobiles, furiosè contrahi, uti in cordibus recenter è corporibus evulsis per puncturas attactis liquet; musculis etenim *cit. Helmont.* pergit, singulariter deest alius conspicuus motus, quò designet sibi illatam noxam. Quinimò naturale est penitus omnibus membris & communi partium nisui proprium illas contrahi ob tristem illatæ injuriæ sensum, exemplò ferè quarundam plantarum, quæ tactum non ferunt, sed statim inde marcescunt & deflorescunt, qualis quædam in horto Beroliensi fuisse refertur.

Quare ex præsuppositis concludimus ad motum cordis perfectè & constanter edendum requiri arctius connubium spiritûs utriusque influi & cordis insiti, contra *Jac. de Back dissert. de corde p. 72.* quibus salvis & liberis liberè procedit motus, iisdem verò quovis modo læsis & depravatis, læditur & depravatur, alteri horum intercepto idem, aut intercipitur, aut non diu durat, suffocatis verò suffocatur & concomitante Syncope deficientibus deficit, quâ nunc præsentè & motu cordis sufflaminatò, transitus etiam spirituum vitalium ad cerebrum, pro illustrandis & conservandis spiritibus animalibus impeditur, ut & hi tunc non ampliùs influere possint pro insitis partium spiritibus actuandis; uude ratio, quam ob rem motus & sensus uterq; in Syncope sufflaminatus deprehendatur nulli parcente ætati.

Obvenit autem illud per causas mediatas, quibus spiritus pro inducendo affectu nostro, aut dissipari & imminui vel alterari & corrumpi, aut demum suffocari, horumque amicabilis in statu naturali, conjunctio disjungi possit è naturalium, nonnaturalium & præternaturalium syndrome.

Ex priorum itaque numerò si potiores tantùm in deliberationem trahamus, symptomati nostro exitiosi sunt spiritus & humores quantitate vel qualitate peccantes; Quantitas siquidem spirituum vel ab

inhibitâ quodammodò respiratione, quo minùs spiritus ætherei pro Archæo humano reficiendo cum aere inspirari queunt, ut in strangulatis & consummatis anginosis adparet, deficiens, aut per sudores nimios, hæmorrhagias vehementes aliasqve tam αἷμα, quàm κατὰ prægressas excretiones sensibilibiter admodum imminuta toto die ansam suffocationis præbet; è contra humorum quantitas excedens quando sui ipsius impedimento in vasis stagnat, eademqve obstruit, aut non raro ipsum cor obruit, spirituum ad partes influxum impedit, commercium eorundem suspendit & ita in momento vitale figit horologium.

Ambo quoque qualitate vel putridâ, vel venenatâ & malignâ, fuliginosâ, flatulentâ aut quâvis aliâ heterogeneâ & sylvestri peccant, modò intrinseco, modò extrinseco à Θ is vel + di, vel alcalini vitio peregrinas non solum & deleterias excitant fermentationes, sed & pro diversa venenorum aliorumqve succendiculorum ratione modò grumescentiâ, coagulationem & fixationem, modò rarefactionem, resolutionem & dissipationem nimiam pro experimento B. Etmüller. *diff. de Chirur. infus. c. 1. §. 4.* inducunt, οὐρανον totius cum ordinario motu pervertunt & ipsam Syncopen accelerant, sicut in peste, febribus malignis, hæcticis & syncopalibus; item à venenis variis adsumtis aut per aerem attractis, vel morsu & puncturis venenatorum animalium funestæ docent observationes.

Quomodo insuper aer è media remotarum Causarum classe vel nimis calidus & hinc consequens cum dissoluta virium jactura resolutus, vel intensè frigidus subveniente concentratâ coagulatione cum actionum anomalia, aut penitus interceptus, aut inimicâ mixtione conspurcatus suum Πισβάλλον μέγ & communicet, præsupposita haud difficulter manifestabunt.

Cibi duriores, concoctu difficiles ad aciditatem, præprimis in Scorbüticis, inclinantes, potus non defœcati & crassi, & quæ alia viscosius alimentum similemqve sangvinem producentia, neutiqvam hîc excludenda.

Nec somnus obtusior & quies longior, quatenus narcoticum spiritibus inducit stuporem, nec vigiliæ ferius protractæ, motusque violentiores athletici & Veneriei aliqve eosdem absumentes & debilitantes penitus immunes erunt.

Cæterum

Cæterum & animi pathemata improvisâ præcipuè subjectum impotentia velocitate, quin & omnes idiosyncrasia antipathicæ partim, ob spirituum subitanæ exsolutionem, dissipationem aut disgregationem penetrante impressione inductam, partim ob momentaneam eorundem fixationem, congelationem & coagulationem in contrarii affectus effectibus fortiori imaginatione aut idealî identitate & naturali instinctu moleste acquisitam spiritibus abominabili, perniciosissimam Syncopen multoties inferunt, prout hæc DEO & tempore plus otii concedentibus alii accommodata intentioni penitiùs delineabuntur.

Insuper quoque & excernendorum retentio & retinendorum, excretio quod culpâ non vacent, ex præcedentibus abundè liquet. Tandem verò causas hasce agmine claudunt morbi & symptomata vel totius, vel particularium partium, hinc intemperies calidiores spiritus expandentes & dissipantes, & frigidiores interque illas omnium maxumè melancholicæ, aciditate, frigiditate & terrestritate suâ sanguinem facile coagulabilem & spiritus figentem foventes. Obstructiones itidem & cordis vasorumque sanguiferorum, majorum circa cor præsentium, unde non rarò accidit, si ipsa cordis substantia non laboret, sed tantum obstructio in arteria magna fiat, quod per aliquod tempus pulsus in carpo remissus admodum vel planè non observetur, cordis tamen motu non inhibito, sed interdum fortiori juxta *observation. D. Th. Millingtons apud Mayow cit. op. p. 373. § Barth. cent. 11. hist. 7.* à sanie interdum, cum *Andr. Laurent. l. 5. quest. 3. Anat.* interdum à polypo aut calculo, uti id quondam Hamburgi mihi videre obtigit in cadavere filii cujus Mercatoris dissecto, qui crebrioribus, dum viveret, lipothymiis afflictus non aliunde, quàm polypo albicante majori instar ossis concreto ad latera sinistri cordis ventriculi interna exporrecto unâ cum multis minoribus calculis transitum arteriosi sanguinis inhibentibus, interdum & vermis cordis ex *Zacut. prax. admir. l. 2. c. 110.* præter multas alias historias similes quid possint efficere, quotidiana testatur experientia, & innumerae Anatomicorum Practicorum observationes, Symptomata non minùs varia quantum jus in affectu Syncoptico producendo in spiritus pro iisdem imminuendis, displodendis, figendis & suffocandis habeant, ex latiori Syncopes sympathicæ elucere poterit deductione.

SEMIOTICAM exhibet.



IMMINENTIS SYNCOPES DIAGNOSTICA præbent, dum vires ex improvise fatiscere sentiuntur, succedente anxietate circa præcordia, interdum & regionem stomachalem, præprimis in Syncope cardiaca, quæ ut plurimum vomitu subsequente feliciter solvitur, facies floridam suam purpuram pallido commutat colore, turbatur caput cum vertigine à confusione spirituum animalium irradiationi spirituum vitalium aut deficienti, aut sui ipsius intestino vitio ortum debente, & inde etiam accidit, quod torvi conspiciantur oculi, illisque viridia quasi & flava offerantur, pulsus iterata sæpius immutatio, tremor cordis & obrepens somnus, mortis non immerito hinc dictus frater.

PRÆSENTEM autem manifestant, subitus omnium virium lapsus, nullus quasi vel tremulus pulsus, corpus corruit sine sensu & motu animali absque tremore & convulsionibus, *ἰσχυρὰς* Syncoptica in pallente facie, fronte & pectore cum extremorum frigore visitur, quæ signa Syncopes pathognomica singula spiritus delinquentes & in functionibus suis sufflaminatos è præcedentibus causis denotant.

PROGNOSIS non solum ratione graduum affectus nostri modo minorum, modo majorum, verum etiam Causarum & Subjecti respectu determinanda. Unde & ejusdem longitudo & brevitatem mensuranda, si quædam subito absque singulari alteratione finiatur, quædam vero non absque summa lassitudine & virium jactura ad horas, interdum dies duret invito id concedente P. Zacchia in *Quest. Med. Legal. l. 4 tit. 1. quest. 11. p. m. 329.* Vix enim Zenonem Imperatorem alio correptum fuisse symptomate, quam Syncopticò mihi persvaserim, cum omni sensu & motu amisso sepulchro mandatus sit, in quo inventus postmodum fuit, quod suos ipse lacertos caligasque, quas gestabat, præ fame manducaverit, ut à *Kor-manno de mirac. mort. part. 7. c. 59 ex Baton. tom. 6. Antiq. Eccles. Thesaur. c. 214.* recensetur, quod horrendum phænomenon ex Schenckio, Germano aliisque mulieres Syncope uterinâ detentæ comprobant pro maxima Medicorum cautela, quod tales Syncopticæ non

non nimis citò terræ mendentur, prout emphaticè inculcatur ab *Alexandr. Bened. prax. l. 10. c. 10.* & *Daniel. Sennert. l. 4. præf. part. 2. Sect. 3. c. 4.*

Par diversitatis ratio salutis & mortis Syncopatorum divinationem & præfagia variat, hinc cum *Paulo Aegineta l. 3. c. 34.* confitemur: Cor primariâ & essentiali affectione à Phlegmone, febb. malignis, aliisque acutissimis, aut aliâ dyscrasiâ vehementi laborans, & in cavitatibus suis obstructum, vel unitate per vulnera & ulcera solutum, præprimis in corpore debili, & ubi sæpius & sine causa manifesta Paroxysmus affligit ex *Hipp. aph. 41. Sect. 2.* desperatam & lethalem facit Syncopen. Per consensum verò affectum cor, nisi vires collapsæ & penitus morbo fractæ sint, curationem recipit & spem salutis promittit.

CAP. IV.

PHARMACIAM suggerit.



I verum est, quod *Rabbi Moyses aph. 6.* scribit: totum ingenium Medici debere esse in hoc affectu prævidendo, præcavendo & annunciando, illum enim, qui hunc non prævidet, nec præcavet, aut periculum non prædicit, homicidam incusat; haud sanè abs re erit Syncopes non tam in esse, quàm in fieri curam habere, & illuc methodum medendi dirigere, quæ in utroque casu causarum ablatione, virinum confirmatione & spirituum refectione absolvitur.

Pro diversitate itaque indicantium, Indicationes quoque & Indicata variant, quæ, si desumantur è FONTE CHIRURGICO, & quidem tempore Paroxysmi durantis, consistunt in frictionibus vel simplicibus & generalioribus, vel cum vino rutaceo in labris institutis, pilorum quoque vellicationibus & evulsionibus, ligaturis etiam, præprimis in Syncope consensuali. Cucurbitulæ itidem suo usu non carent. Quid verò de Chirurgia infusoria singulare sperandum, prout *B. Etmius* etiam post mortem celebris *diff. de Chir. infus. c. 3. con. 3.* judicat, nobis anceps videtur. Venæsectio tamen, quatenus sanguini motu peccanti, præprimis in inflammationibus succurrit, extra paroxysmum, & potius præservationis, quàm curationis gratiâ admitti poterit.

E FONTE PHARMACEVTICO petita remedia exhibitionis regulam pro tempore variant, cum quædam, prout idem de Chirurgicis inunctum, in paroxismo, quædam extra paroxysmum propinentur.

Prior autem *indicatio* præprimis externa, cum interna vix exhiberi possint, svadet, naribus, ori, diaphragmati, regioni cordis & temporibus applicanda è spiritibus volatilibus \ominus * ci, castor. C. C. cum oleis Ω tis rutæ, succin. cinam. acuatis non tantum naribus admotis, sed & ori in ∇ carbunc., apoplect., Anhaltin., aut aliâ spirituosâ ad guttas aliquot coactè infusis: Eidem fini inserviunt Balsami, apoplectici dicti fragrantibus oleis benè saturati, & Ambra, & Moscho, absit in hysteris, exaltati.

Topica è modò recensitis ∇ is spirituosis camphorâ & croco mixtis, cum suppedalibus ex absinth. succo, \ominus , \dagger & fermento acri constantibus hunc censum explere possunt; nec inutilis aspersio ∇ æ frigida, vel simpl. vel spirituosæ rosaceæ in faciem, aërisqve frigidi admissio: Excitatae quoque sternutationes fortibus pharmacis laude suâ non carent. Si quis etiam durante contumaciter afflictione modo in Apoplecticis solenni Clysteres revellentes, stimulant, abstergentes & carminativos nonnunquam anthelminticis in metu vermium commixtos Syncopticis per sympathiam talibus cum grano salis ordinare velit, non infelici id expediet successu, cuius in juvene æqvè prosperè tentati reminiscimur.

Extra Paroxysmum Curatio sequitur accuratum Medici iudicium, ad cuius cynosuram & normam ordinationes & præscriptiones metiri debent pro diversitate causarum differentes: in quarum remotione cum studiosi sint omnes Practici, actum agere supervacaneum ducimus, præprimis cum quælibet Syncope consensualis specialem sui requirat considerationem, cum alia medendi methodus Syncopticos ab ulcere pulmonum tales, alia à cerebri, hepatis, ventriculi, intestinorum aut uteri vitio, alia à vermibus, vel assumpto veneno, alia ex Scorbuto delinquentes concernat, quibus incommodis variis averruncatis & morbis particularibus sublatis symptoma quoque nostrum evanescet. Ad quem scopum acquirendum Medicorum celeberrimorum adeunda consilia, quæ ubertim extantia nos hîc in diffusiore praxi tradendâ superfedere jubent. Interim ut sæpius urgentibus proximioribus cau-

sis obviam eamus, ad sangvinem, & spiritus principalior respectus est habendus: Ille, ut fluidus, & sine impedimento mobilis pro libero spirituum transitu conservetur, præcavendus à coagulatione & grumescencia, aut jam grumefactus & coagulatus iterum resolvendus: Quo autem illud fiat, removenda sunt acida talem dispositionem sanguini inferentia, si vitio ventriculi, Emetica cruditates acidas non raro venenatas, si adhuc in primis viis hærent, evacuantia ex ☿emet. M. gr. j, ij, iij. aut vino Emetic. R. usu veniunt, procul absit à nobis, quod connatum & specificum ventriculi acidum cum *Tachen in Hipp. p. n. 190.* statuamus. Si verò lienis culpâ non solum lenibus purgantibus antiscorbuticis combinatis, & per infusionem paratis ex fenn., fibr. helleb. nigr., rad. polypod., helen., herb. fumar. cuscüt., sem. card. bened., cochlear., cort. tamarisc., cappar. aliisque pluribus optata attingitur meta. Resolutio verò sanguinis ad naturalem statum intenditur, & cor præ insultibus syncopiticis præmunitur urinosi & volatilibus aromaticis ex spiritu ☿*c. Ess. castor., cinamomi, croc., ☿apopl. heroic., vit. alb. S., carbunc., vino generoso, Elix. vit. M. Ess. mosch. & ambr. Tinct. corall. cum spir. cord. cerv. & antiscorbutic. Balsam. anglic. c., Tinct. bez. M. & n. præ illa universalior & magis aromatica, Tinct. ☿, quibus omnibus virtute probatissimâ non cedit. ☿ vol. oleosum, quale sequenti modo concinnatum asservamus: dum recepimus spiritum vini ☿saturat. eidemque tantum olei ☿lati macis addidimus, quantum is haurire poterat, & tunc spiritum ☿*c. super cinamom. & macere rectificatum cum temperamento admiscuimus pro medicina singulari & admirandarum virium in morbis archæalibus. Hôc non ignobilior modus est alius quondam B. Parenti arcanus, quando ex gran. cherm. unc. vj. ol. mac. unc. ß. spir. ☿*c. rectific. unc. iß. spir. vini rectific. ☿ ☿saturat. unc. x. per alembicum. ☿ vol. oleosum insignis efficaciz produxit, ☿i vol. Sylv. affine.

Pertinet huc Tinctura ☉ è croco auri beneficio menstrui ☿nini extracta C. Michaëlis, cui non absimilis ex eodem croc. ☉ per Ol. cinamom. essentificata *Basilii Valentini* & plures aliæ, qualibus tamen ratione virtutis suæ medicinalis palmam præripere videtur alia. Tinctura ☉ris cum spiritu volat. aer. naturæ nostræ homogeneo à *Cel. Langelotto in Epist. ad naturæ curios.* præparata, qualem &

nos cum eodem Sc vol. æthereo laboramus, licet non radicaliter, æque pro lapide philosophico, summo tamen naturæ solatio excogitatam, plura desuper notante *Gabr. Clauder. diff. de Tinct. univers.* Elegantissimæ quoque virtutis Tinctur. huc referri poterit ex ♂ per spiritum quendam Microcosmicum Sc vol. ♀ facillimæ præparationis ebrium modo nobis usitato extracta.

Contrario verò excessu dum sanguis peccat in nimia resolutione & rarefactione, ut hoc modo suam naturalem *ύγρασι* v. g. in Hectica, febribus aliis ardentibus & malignis perdiderit, fixiora ∇ ea ex meliss. borrag., ros. citr. confect. alcherm. & de hyac. animata, ut & terrea modò simpliciter præcipitantia è corall. ocul. ♂ r. conch. præparata, modò virtutem bezoardicam conjunctam habentia, ut C. C. ph. ♂ diaph. bez. mineral., modò simul cordiali specificâ pollentia qualitate è matre perlar., margarit. ☉, gemmis, ofs. cord. cerv. pro speciebus cordial., de gemm. frig. diamosch. & diambr. decomposita, non obstantibus *Febure* ♂ *Etmüll.* hisce nobilissimis corporibus cum injuriâ specificam suam actuationem denegantibus, ut hinc abundè illis satisfaciente *curios. Boyl. tr. de gemm. virtut. p. n. 121. seq.* ♂ *Tachen. de virtut. ♂ dos. lap. Bezoar or. in Hipp. p. n. 188.* consultò sibi invicem in variis formulis variè sociantur, non solum ut sanguini dicto modo prospiciant, sed & spiritus vel nimis volatiles fixent, & fixatos p. n. exsuscitent, ipsumque Cor solentur.

Quid tandem in Affectu nostro DIETÆ legibus conforme censetur, è contraria rerum non naturalium ad Syncopen inducendam ratione haud difficulter inde sumptâ cautelâ ex Ætiologia nostra videri poterit, quo Lectorem Benevolum humaniter reducimus, & ne nos invidiosè redarguat, officiosè contendimus.

TANTUM!

S. S. T. S. L. E. G. I. S. S. A.

